

Vlada Kantona Sarajevo
Ministarstvo komunalne privrede, infrastrukture, prostornog uređenja,
građenja i zaštite okoliša
BAGS – Energotehnika d.d Vogošća

PREDMET: Hitna inicijativa - isporuka toplotne energije u Vogošći

Neodrživo stanje u isporuci toplotne energije stanovnicima općine Vogošća zahtijeva hitnu reakciju i preuzimanje pune odgovornosti. Ovim putem podnosimo **hitnu inicijativu** te istovremeno postavljamo **zahtjev** za poduzimanje momentalnih i dugoročnih mjera:

1. Naložiti i osigurati **hitno finansiranje energenata i svih tehničkih preduvjeta** neophodnih za urednu i blagovremenu isporuku toplotne energije građanima Vogošće od strane BAGS – Energotehnika d.d. Vogošća **do kraja tekuće sezone grijanja**. Stanovnici plaćaju uslugu koju ne dobijaju, što je nedopustivo.
2. Uvrstiti i osigurati **finansijsku podršku i sredstva u Budžetu Kantona Sarajevo za 2026. godinu** s ciljem **realizacije projekta izgradnje toplane i toplifikacije Općine Vogošća**. Odmah pokrenuti sve aktivnosti za dobijanje potrebnih saglasnosti kako bi se dugogodišnji problem grijanja trajno riješio.
3. Hitno provesti postupak **utvrđivanja odgovornosti** nadležnih lica i upravljačkih struktura **u resornom ministarstvu, BAGS – Energotehnika d.d. Vogošća**, s obzirom na propuste, loše poslovanje i neispunjavanje zakonskih obaveza uredne isporuke toplotne energije.

Obrazloženje :

Kao većinski vlasnik (67% dionica) preduzeća BAGS – Energotehnika d.d. Vogošća, Vlada Kantona Sarajevo snosi **direktnu i primarnu odgovornost** za nefunkcionisanje sistema grijanja u Vogošći. Problem nedostatka energenata usljed lošeg poslovanja i neriješenih finansijskih odnosa s nadležnim institucijama ne smije biti teret krajnjih korisnika.

Zahtijevamo pisano očitovanje o poduzetim aktivnostima i planu rješavanja krize **najkasnije do 03.11.2025. godine**. Očekujemo ne samo stabilizaciju isporuke, već usvajanje trajnih rješenja koja će garantovati kontinuitet i kvalitet grijanja građanima Vogošće.

U Sarajevu 28.10. 2025 godine
Klub Demokratske fronte

